



Sakspapir

Sakshandsamar	Arkiv	ArkivsakID
Gjermund Hagesæter		21/384

Saksnr	Utval	Type	Dato
069/21	Formannskapet	PS	07.09.2021
057/21	Kommunestyret	PS	16.09.2021

Ekstraordinær tilføring frå KLP til kundane

Vedlegg:

Økoplan bruk av premiefond2021

Fedje møte KLP juni 2021

Saksutgreiing:

Saksopplysningar

Endringar i reglane for offentlig tenestepensjon er hovudårsaka til at det er frigjort betydelege midlar frå oppsparte pensjonsreservar (premiereservar). Dette gjeld i dei fleste pensjonsordningane i KLP, men ikkje i den lukka pensjonsordninga for folkevalde. Dei frigjorte midlane vil bli berekna med utgangspunkt i pensjonsgrunnlaget i kvar av våre pensjonsordningar. Midlane vart overført frå KLP til premiefondet vårt i 2. kvartal 2021, og kan berre nyttast til å betale framtidig pensjon.

Nedanfor gir KLP dei førebelse anslaga på kva dei frigjorte premiereservane vil bety for oss i kvar av pensjonsordningane Fedje kommune har i KLP:

Pensjonsordning	Prosent av pensjonsgrunnlaget	Anslag
Fellesordning for kommuner og bedrifter	14,5%	kr 4 303 000,-
Pensjonsordningen for sjukepleiere	8,5%	kr 287 000,-

Korleis vil vi bruka premiefondet? Midlar på premiefondet kan berre nyttast til betaling av framtidige pensjonspremiar. Dei ekstraordinære midlane vil bli ståande på premiefondet (lukka) til vi gir KLP melding om å bruka dei. Dersom vi ønskjer at KLP automatisk skal trekkje premieinnbetalingar frå desse midlane på premiefondet framover (opent), må vi gi KLP beskjed om det. Dei øvrige tilføringane av overskott og avrekningar til premiefondet vil som før bli nytta til betaling av komande premie-fakturaer.



Fedje kommune

Rekneskapsmessige konsekvensar ved bruk av premiefondet av heile ekstraordinær tilførsel.

Dersom vi vel å nytte heile den ekstraordinær tilførselen vil premien til KLP blir trekt frå premiefondet i 2021. Det vil føre til at premieavviket blir vesentleg lågare enn normalt, truleg negativt. Eit negativt premieavvik vil redusera det akkumulerte premieavviket. For dei komande åra vil då dei samla pensjonskostnadane bli noko lågare som fylgje av redusert avskrivning av premieavvik. For dei som praktiserer eit års avskrivning vil dette gje nedgang i samla pensjonskostnad i 2022, og deretter små utslag.

KLP har fylgjande forventningar om framtidige premieauke Det er særskilt to tilhøve som vi må ta omsyn til når vi skal vurdere bruken av premiefondet til betaling av premie i 2021 eller seinare. KLP forventar auka krav til avsetning og premieauke for AFP frå 2025, når medlemmer født i 1963 fyller 62 år og kan ta ut ny livsvarig AFP. Det er mellom anna framleis stor usikkerheit rundt regelverket for ny AFP til alle fødd i 1963 og seinare. I løpet av dei næraste åra forventar KLP endring i pensjonsreglane for personar med særaldersgrense. Dette omfattar mange medlemmar i KLP. Nye reglar for særaldersgrenser kan også medføre auka premiar. Dersom vi vel å ha inneståande midlar på premiefondet kan desse brukast til å stabilisere premieinnbetalingane ved slike premieaukingar i komande år.

Ved avskrivning av heile eller delar av midlane om er sett av på premiefondet vil det påløpa arbeidsgjevaravgift. Så lenge midlane står på konto hjå KLP er ein garantert 4% rente.

Ved å fordela avskrivninga over sju år vil ein få noko høgare pensjonskostand i bruksåret, men redusert pensjonskostnad påfølgjande sju år.

Vurdering

Fedje kommune har pr i dag ikkje noko likviditetsutfordringar, dette gjer at det heller ikkje er eit stort behov for avskrivning veldig raskt.

Ved å fordela avskrivninga over sju år vil ein også spara arbeidsgjevaravgift og får 4% rente på midlane så lenge dei står på vår premiefond i KLP.

Etter sju år vil denne fordelten ta slutt, noko ein må vere forberedt på. Denne fordelten vil utgjera om lag kr 655 000,- kvart år over sju år og dette aukar kravet til at framtidige kommunebudsjett for Fedje kommune bør budsjetterast med solide overskot.



Fedje kommune

Folkehelse: Ikkje relevant

Miljø: Ikkje relevant

Økonomi: Styrkar økonomien i sju år

Konklusjon

Ekstraordinær tilføring frå KLP vert avskrive over sju år ved at 1/7 del av premiefondet vert brukt kvart år til å redusera premieinnbetalingane til KLP.

Forslag til vedtak:

Ekstraordinær tilføring frå KLP

Formannskapet - 069/21

F - behandling:

F - vedtak:

Ekstraordinær tilføring frå KLP vert avskrive over sju år ved at 1/7 del av premiefondet vert brukt kvart år til å redusera premieinnbetalingane til KLP.

Samrøystes vedteke.